

C A L A B R I A.

*Turris
Marina.*

Metapontum.

& absumentum. Exin inter montes *Pestice*. ultra *Basentium*, 10 ab mari passibus *Turris Marina*, *Torre di Mar*, nunc deserta, cernitur: pauca quædam supersunt inopum tuguria. Non procul hinc campus ingens & amœnus sternitur, ab mari 10 passibus, in quo *Metapontum* fuisse fertur, urbs nobilissima nullis non scriptoribus Græcis Latinisque celebrata. Ejus hac ætate nulla vestigia, præter vetus cocti lateris rudus cum atra terra, supersunt. Strabo conditum scribit à Pyliis, qui huc, Nestore Duce, Troja sunt profecti: Solinus ab Locris notat factum: non desunt, qui nuncupatum arbitrantur ab extremitate maris, ac si *Meta Ponti* diceretur. Urbis natalem Feriis, quæ *Neleida* dicebantur, celebrabant. Templum Iunonis hic columnis vitigineis stetitisse tradit Plinius. Tantæ *Metapontinorum* fuerunt opes, tanta potentia, ut auream statuam Apollini Delphis obtulerint. Testatur Trogus, Metapontinos in Minervæ templo ferramenta, quibus equum Trojanum Epeus, à quo conditi erant, fabricaverat, ostentasse: propter quod omnis illa pars Italiæ, nimirum in qua *Metapontus*, *Major Græcia* vocabatur. Res ab *Metapontinis* gestas, eorumque clades recensent varii. *Metapontum* à Spartaco direptum narrat. L. Florus. *Hippasis* Pythagoræ discipuli ortu fuit nobilitatum. *Pythagoram* ipsum hic supremam ætatem exegisse, quum

Crotone migrasset, ubi annos xx constiterat, testis est Trogus libro xx, addens eundem in tanta *Metaponti* fuisse admiratione, ut & ædes ejus dedicarentur, & divinis ipse honoribus coleretur. A quo tanta urbs fuerit eversa, non invenitur. Reliqua, quæ succedunt Tarentum usque, nunc *Magna Græcia*, nunc *Apulia*, Ptolemæi insistentes vestigiis, concensent magni viri.

Post eum locum, ubi quondam Metapontus, ad quartum lapidem, mille passibus ab ora, columnæ marmoreæ xx prægrandes altæque conspiciuntur, ordine duplici, ubi Gymnasium Archiæ Tarentini fuisse quondam vulgo creditur. Sunt præterea hic opidum *Bernalda*, *Pomarium*, *Miliovicum*, *Crotolum*, Ducis Trajectini castellum: *Grassanum*, & Mons *Scaliosus*, monte *Scaglioso*, *Tricaricum*, Mons *Pelosus*, Ducis Trajectini oppidum: *Gravina*, *Alta-Villa*, itinere hinc per Apenninum p. m. xii, vallis invenitur pulcra: in qua urbs *Matera* frequens & opulenta: Archiepiscopatus titulum obtinet. In ditione est Ducis Gravinensis. dirutam ab Saracenis, memoriæ prodit Blondus libro xiii Historiar. Ab *Matera* dein *Castrum* & *Tertianum*. Post *Castellanetum* in Apennino, Episcopatus honore superbiens. Inde *Morula*, civitas item Episcopalis. Tum ad oram in planicie reperitur *Paleiscanum*: *Malafra*. lævaque castellum *Malafra*.

Rudera antiqua Gymnasii.

